

BEESWAAN PAARE (JUZ) KA MUQTASAR T'AARRUF

Disclaimer:

Arshad Basheer madani ke urdu books ko Roman English mai lane wale ahabab Mubarakbadi ke mustahiq hai ke unoun ne asan kia urdu reading Na janne Waloun ke liye

الحمد لله

فجزاكم الله خيرا

Note : arshad basheer madani ne Word to Word check nahi kia Kiunke bohot books ko roman Kia gaya un sab ko Check karna asan nahi, time ka commitment deegar Urdu books Aur syllabus par laga huva hai is liye badi mazirat ke sat arz hai ke jahan kahin apko pronunciation ya talaffuz mai Diqqat lage Urdu Janne Waloun se asal Kitab ki taraf rujoo farmaen in sha Allaah in sha Allaaah

Askislampedia ki Team ka shukriya ke Roman mai book lane mai madad faramee

Khas tour se

Riaz bhai , shaikh abdullah Umeri, faheem iqbal , Mushtaq ahmed Aur baz sisters bhi hain jo madad kie Aur kuch brothers bhi madad kie Likin ijazat nahi hai ke unka naam zikr Kia jae Allaah qabool farmae sab ki mahant

Ameen

Shukriya

Shoba e nashro ishaat,

Askislampedia

PARA 20 – AMMAN KHALAQA

Beeswen paare ko ahle ilm ne 18 units me taqseem kiya jo hasbe zel hai :

Units ke hisaab se para no 20 “Amman Khalaqa” ki aayaat aur mazaameen ki taqseem

SOORAH NAMAL

Units	Aayaat	Mazaameen
Unit no 1	66 – 93	Aalimul ghaib sirf Allaah ki zaat, munkareen qiyaamat aur munkareen b’aas b’aadal maut ka zikar, daabta al arz ka bayaan, soor phoonke jaane ka tazkirah, shahar Makkah ki hurmat ka bayaan.

SOORAH QASAS

Unit no 2	1 – 6	Fir’oun ki sarkashi aur uske anjaam ka bayaan, Allaah Taala ki taraf se mazloomon ki madad ka zikar.
Unit no 3	7 – 13	Moosa Alaihissalaam ki paidayish ke waqt ke haalaat aur Moosa Alaihissalaam ki fir’oun ke mahal me parwarish ka bayaan.
Unit no 4	14 – 21	Moosa Alaihissalaam ka ek qabti ko ghooosa raseed karne ka zikar aur Aap ﷺ ka madyan ki taraf hijrat karne ka bayaan.
Unit no 5	22 – 28	Madyan ko pahuchne ke baad ke haalaat, Aap ﷺ ke nikah ka maamla, ahliya ke saath misr waapisi par nabuwwat milne ka waakhiye ka bayaan.
Unit no 6	29 – 35	Moosa Alaihissalaam ki taayeed wa nusrat me Aap ﷺ ke bhai Haroon Alaihissalaam ko bhi Nabi banane ka zikar.
Unit no 7	36 – 42	Jab fir’oun aur uski qoum ne Islam qubool karne se inkaar kar diya to fir un par azaab ke silsile ka bayaan.
Unit no 8	43 – 50	Kuffar wa mushrikeen ki jaanib se aasmaani kitabon se inkaar ka bayaan.

Unit no 9	51 – 61	Ahle kitaab ke momino se khitaab kuffar makkah par tambiyah ka bayaan.
Unit no 10	62 – 75	Qiyamat ke din mushrikeen ki haalaat ka bayaan.
Unit no 11	76 – 84	Qaroon ka qissa aur uske anjaam ka bayaan.
Unit no 12	85 – 88	Mushrikeem Makkah kuffar quraish ko tambiyah ki jaa rahi hai aur Fatah Makkah ki khabar dee jaa rahi hai.

SOORAH ANKABOOT

Unit no 13	1 – 7	Ahle eemaan ki aazmayish ka bayaan.
Unit no 14	8 – 13	Waalidain ke saath husne sulook ka bayaan.
Unit no 15	14 – 15	Nooh Alaihissalaam ka tazkirah.
Unit no 16	16 – 27	Ibrahim Alaihissalaam ki daawat ka tareeqa aur qoum ki jaanib se eezaar saani ka bayaan.
Unit no 17	28 – 35	Loot Alaihissalaam ka tazkirah aur Aap ﷺ ki qoum ke anjaam ka bayaan.
Unit no 18	36 – 43	Shuaib Alaihissalaam, hood Alaihissalaam, Saaleh Alaihissalaam ke qisson ka zikar.

Unit no 1 :

Beeswaan para, Soorah Namal, Soorah no 27 ki aayat no 66 se lekar aayat no 93 me ye bataya jaa raha hai ke Allaah ke siva koyi bhi ilm ghaib nahi jaanta, iske baad un logon ka zikar hai jo ye kahte the ke ham dobara nahi uthaaye jaayenge, mushrikeem Makkah qiyamat ke munkar bhi the, iske baad **daabta al** arz ka zikar kiya gaya jo qareeb qiyamat zaahir hoga fir soor phoonke jaane ka zikar hai, uske baad Makkah ki hurmat ka bayaan hai.

Unit no 1 : Ke mauzoo'aat

- Kaaynaat me qudrat Ilahi ke mazahir uski wahdaaniyat par dalaalat karti hai aur b'aas b'aadal maut ke taallukh se mushrikeen ka mauqif Quraan Kareem aur uski ahmiyat (59-78)
- Haq wa baatil ke darmiyaan Quraan faisal hai (79-81)
- Qiyamat ki nishaaniyaan, Allaah ki baaton ko na maanne waalon ka hashr, qiyamat ki houlnaakiyaan, soor ka phoonka jaana (82-90)
- Nabi ﷺ ko Allaah ki ibadat ka hukum, Kaabah ki azmat wa hurmat, Nabi ﷺ ka mission (91-93)

SOORAH AL-QASAS

The Narration

Al-Qasas

Qisse

Maqaam Nuzool – Makkah

Baaz Ahdaaf

- Allaah ke daawe par bharosa karna. (mazed maaloomaat ke liye is kitaab ko zaroor padhe : _____ : Abdullah bin Jaarullah bin Ibrahim Al Jaarullah)
- Is soorat me Moosa Alaihissalaam ke haalaat ka tazkirah kiya gaya hai- paidayish, nashonuma, nikah fir misr ko lout kar aana aur Allaah ke waade ka poora hona.
- Hazrat Moosa Alaihissalaam ke qisse me aur Allaah ke Rasool ke qisse me is baat ki tasalli dee gayi hai ke jis tarah Moosa Alaihissalaam ko takaaleef uthaane ke baad fir waapis apne shahar ko loutaya gaya usi tarah Aap ﷺ ko bhi waapis apne shahar ko loutaya jaayega.
- Hazrat Moosa Alaihissalaam aur Allaah ke Rasool ke qisse me gahri mashabahaten paayi jaati hai :
 - Hazrat Moosa Alaihissalaam apni qoum se 10 saal juda rahe isi tarah Rasoolullah ﷺ bhi apni qoum se 10 saal door rahe.
 - Jis tarah Allaah ke Rasool ﷺ chup chup kar hijrat ki usi tarah Moosa Alaihissalaam ne chup chup kar hijrat ki.

Munasibat / Latayef Tafseer

- Soorah Namal me anzaar – aayaat kooniyah ke zariye – soorah Qasas me waakhiya Moosa Alaihissalaam taareeqi haqaayeq ki roushni me bayaan kiya gaya.
- Soorah Yusuf aur soorah Qasas me mawaazanah kare to dono me farq ye hai ke soorah Yusuf me ghalti ka murtakib rujoo kar raha hai jabke soorah Qasas me takraav aur sir'aa ka maahoul hai.

Unit no 2 :

Beeswaan para, Soorah Qasas, Soorah no 28 ki aayat no 1 se lekar aayat no 6 me fir'oun ki sarkashi aur uske anjaam ka zikar, Allaah Taala ki taraf se kamzoron aur mazloomon ki madad ka bayaan.

Unit no 2 : Ke Mauzoo'at

- Moosa Alaihissalaam aur fir'oun ke qisse ka muqaddama aur zameen me fir'oun ke fasaad aur uski waada ka tazkirah (1-6)

Unit no 3 :

Beeswaan para, Soorah Qasas, Soorah no 28 ki aayat no 7 se lekar aayat no 13 me Moosa Alaihissalaam ki paidayish ke waqt ke haalaat ka tazkirah aur fir'oun ki jaanib se tamaam bachchon ko halaak karne ke elaan ka zikar aur Moosa Alaihissalaam ki fir'oun ke mahal me parwarish ka bayaan.

Unit no 3 : Ke Mauzoo'at

- Moosa Alaihissalaam ka qissa tafseel se bayaan kiya gaya (7-32)

Unit no 4 :

Beeswaan para, Soorah Qasas, Soorah no 28 ki aayat no 14 se lekar aayat no 21 me Moosa Alaihissalaam ka ek qabti ko ghoosa raseed karna aur uske mar jaane ka zikar aur Moosa Alaihissalaam madyan ki taraf hijrat kar jaane ka bayaan.

Unit no 4 : Ke Mauzoo'aat

- Moosa Alaihissalaam ka qissa tafseel se bayaan kiya gaya (7-32)

Unit no 5 :

Beeswaan para, Soorah Qasas, Soorah no 28 ki aayat no 22 se lekar aayat no 28 me Moosa Alaihissalaam ke madyan pahuchne ke baad ke haalaat ka bayaan aur Aap ﷺ ka khidmat guzaari ke kaam par maamoor kiye jaane ka zikar aur Aap ﷺ ke nikah ka maamla fir apni ahliya ke hamraah misr ko loutne aur nabuwat se sarfaraaz kiye jaane ki tafseelaat ka bayaan.

Unit no 5 : Ke Mauzoo'aat

- Moosa Alaihissalaam ka qissa tafseel se bayaan kiya gaya (7-32)

Unit no 6 :

Beeswaan para, Soorah Qasas, Soorah no 28 ki aayat no 29 se lekar aayat no 35 me ye bataya jaa raha hai ke hamne Moosa Alaihissalaam ki madad aur unki taayeed me Aap Alaihissalaam ke bhai Haroon Alaihissalaam ko bhi nabuwat ata farmayi.

Unit no 6 : Ke Mauzoo'aat

- Moosa Alaihissalaam ka qissa tafseel se bayaan kiya gaya (7-32)

Unit no 7 :

Beeswaan para, Soorah Qasas, Soorah no 28 ki aayat no 36 se lekar aayat no 42 me ye bataya jaa raha hai ke Moosa Alaihissalaam ne deen ki daawat ka kaam shuroo kiya fir'oun aur uske darbariyon, uske foug ahlekaar aur hukumat ke wizr'a

ko deen Tawheed ki daawat pesh kee gayi lekin un sab ne inkaar kar diya, uske baad azaab ka silsile ka bayaan.

Unit no 7 : Ke Mauzoo'aat

- Fir'oun ki takzeeb aur uski sarkashi ka anjaam aur logon ko Rasoolon ki haajat wa zaroorat ka tazkirah (33-46)

Unit no 8 :

Beeswaan para, Soorah Qasas, Soorah no 28 ki aayat no 43 se lekar aayat no 50 me ye bataya jaa raha hai ke Moosa Alaihissalaam ko Tauraat ata kee aur Muhammad ﷺ ko Quraan Majeed ata ki gayi, lekin kuffar wa mushrikeen ne aasmaani kitaabon ka har daur me inkaar kiya.

Ek wazaahat : Quraan Majeed ka ye usloob hai ke jahaan Moosa Alaihissalaam ka zikar kiya jaata hai unme se beshtar jagahon par Allaah ke Nabi ﷺ ka zikar bhi kiya jaata hai aur jahaan par Tauraat ka zikar kiya jaata hai to saath me Quraan Majeed ka zikar bhi kiya jaata hai.

Unit no 8 : Ke mauzoo'aat

- Fir'oun ki takzeeb aur uski sarkashi ka anjaam aur logon ko Raasoolon ki haajat wa zaroorat ka tazkirah (33-46)
- Kuffar Makkah ki Rasool ﷺ aur Quraan ki takzeeb aur unke shubhaat ki tardeed (47-51)

Unit no 9 :

Beeswaan para, Soorah Qasas, Soorah no 28 ki aayat no 51 se lekar aayat no 61 me ahle kitaab ke momino ki taraf ishaara kiya gaya hai aur kuffar quraish ko ye tambiyah kee gayi ke aur unko Allaah ke Nabi ﷺ ki itteba ka hukum diya gaya aur ye kaha gaya ke Kaabah ke hurmat ki wajah se tum par aman wa amaan qaayam hai warna tum kab ke halaak kar diye jaate.

Unit no 9 : Ke Mauzoo'aat

- Ahle kitaab me se un logon ka tazkirah jo eemaan laaye unke jaza aur sifaat ka tazkirah (52-55)
- Mushrikeen ke shubhaat aur unki tardeed, mushrikeen ka mauqif aur qiyamat ke din unki haalat aur momino ki kaamyabi ka tazkirah (56-67)

Unit no 10 :

Beeswaan para, Soorah Qasas, Soorah no 28 ki aayat no 62 se lekar aayat no 75 me qiyamat ke din mushrikeen ka haal bayaan kiya jaa raha hai aur uske zariye daawat deen dee jaa rahi hai, kahi aisa na ho ke ba haalat kufr tum par maut waakhai ho jaaye.

Unit no 10 : Ke Mauzoo'at

- Mushrikeen ke shubhaat aur unki tardeed, mushrikeen ka mauqif aur qiyamat ke din unki haalat aur momino ki kaamyabi ka tazkirah (56-67)
- Kaaynaat me Allaah ki qudrat aur uske mutaallikh irade aur uske ina'amaat aur bando par uski rahmat ka tazkirah (68-75)

Unit no 11 :

Beeswaan para, Soorah Qasas, Soorah no 28 ki aayat no 76 se lekar aayat no 84 me qaroon ka qissa aur uske ghuroor wa takabbur ka haal bayaan kiya jaa raha hai, aur uske maal wa daulat ke anbaar ka zikar hai aur uske khazano ka ye haal hai ke kayi oonton par un khazano ki chaabiyaan laad kar le jaayi jaati, aur uske baad qaroon ke bure anjaam ka bayaan.

Unit no 11 : Ke Mauzoo'at

- Qaroon ka qissa aur uska anjaam aur us se ibrat, aur Nabi ﷺ ke liye baaz hidaayaat (76-88)

Unit no 12 :

Beeswaan para, Soorah Qasas, Soorah no 28 ki aayat no 85 se lekar aayat no 88 me kuffar quraish aur mushrikeen Makkah ko is baat se aaga kiya jaa raha hai ke

- Chahe achche haalaat ho chahe bure haalaat asal kaamyaabi ye hai ke achche haalaat me naa shukri aur bure haalaat me be sabri se bache.

Munasibat / Latayef Tafseer

- Guzishta soorah me ahle kitaab ki muqaalifat ka tazkirah hua, is soorat me unki haqeeqat aur khul kar wa **ashgaaf** kee gayi.

Unit no 13 :

Beeswaan para, Soorah Ankaboot, Soorah no 29 ki aayat no 1 se lekar aayat no 7 me bataya jaa raha hai ke ahle eemaan aazmaaye jaayenge aur badle me us se kahi zyada inaaam wa ikraam se nawaze jaayenge, isme aazmayish ke waqt sabr ki taaleem dee jaa rahi hai.

Unit no 13 : Ke Mauzoo'aat

- Duniya me logon ko aazmaana ye Allaah ki sunnat hai aur kaamyaab logon ke badle ka tazkirah (1-9)

Unit no 14 :

Beeswaan para, Soorah Ankaboot, Soorah no 29 ki aayat no 8 se lekar aayat no 13 me waalidain ke saath ihsaan aur husne sulook ka hukum diya gaya hai, aur munafiqeen ke kirdaar ki manzar kashi kee gayi hai.

Unit no 14 : Ke mauzoo'aat

- Munafiqeen ka dhoka aur kaafiron ke jhutlaane aur unko uske anjaam se daraye jaane ka tazkirah (10-13)

Unit no 15 :

Beeswaan para, Soorah Ankaboot, Soorah no 29 ki aayat no 14 se lekar aayat no 15 me Nooh Alaihissalaam ka qissa bayaan kiya gaya hai.

Unit no 15 : Ke mauzoo'aat

- Nooh Alaihissalaam ka apni qoum ke saath, Ibrahim Alaihissalaam ka apni qoum ke saath qissa aur aag se unki najaat ka tazkirah (14-25)

Unit no 16 :

Beeswaan para, Soorah Ankaboot, Soorah no 29 ki aayat no 16 se lekar aayat no 27 me Ibrahim Alaihissalaam ki deen ki daawat ka tareeqa bataya gaya aur qoum ki jaanib se eezaar saani aur aag me daal dene ki dhamki ka bayaan.

Unit no 16 : Ke Mauzoo'aat

- Nooh Alaihissalaam ka apni qoum ke saath, Ibrahim Alaihissalaam ka apni qoum ke saath qissa aur aag se unki najaat ka tazkirah (14-25)

Unit no 17 :

Beeswaan para, Soorah Ankaboot, Soorah no 29 ki aayat no 28 se lekar aayat no 35 me Loot Alaihissalam ka tazkirah aur Aap ﷺ ki qoum ke anjaam ka bayaan.

Unit no 17 : Ke Mauzoo'aat

- Loot Alaihissalaam ka Ibrahim Alaihissalaam par eemaan laana aur Loot Alaihissalaam ka apni qoum ke saath qissa ka bayaan (26-39)

Unit no 18 :

Beeswaan para, Soorah Ankaboot, Soorah no 29 ki aayat no 36 se lekar aayat no 43 me Shuaib Alaihissalaam, Hood Alaihissalaam, Saaleh Alaihissalaam ke qoumo ka bayaan.

Unit no 18 : Ke Mauzoo'aat

- Shuaib, Hood, Saaleh aur Moosa Alaihimussalaam ka apni qoum ke saath qisse mazkooor me un logon ke anjaam ka bayaan, jinhone duniya me Ambiya ko jhutlaaya (36-40)

- Us shakhs ki misaal jisne Allaah ko chod kar auron ko auliya bana liya (41-44)